

სურსათის ეროვნული სააგენტოს მიერ 2021 წლის სახელმწიფო მიზნობრივი ქვეპროგრამის „ცხოველთა ჯანმრთელობის დაცვა“-ს ფარგლებში შესყიდვების განსახორციელების მიზნით შექმნილი სატენდერო კომისიის სხდომის

ო ქ მ ი №1

ქ. თბილისი

სხდომას ესწრებოდნენ:

ვასილ ბასილაძე - კომისიის თავმჯდომარე
გიორგი იაკობაშვილი - კომისიის წევრი
დემნა ხელაია - კომისიის წევრი
თამარ ჯავახაძე - კომისიის წევრი
გერონტი ფრუიძე - კომისიის წევრი
იოსებ მენთეშაშვილი - კომისიის წევრი
დავით გოდერძიშვილი - კომისიის წევრი
თორნიკე ბანცაძე - აპარატის წევრი

დღის წესრიგი:

მსხვილფეხა საქონლის ბირკები/საჭდეების (CPV 03341000) შესყიდვის მიზნით, ელექტრონული ტენდერის ჩატარების შესახებ ერთიან ელექტრონულ სისტემაში გამოსაქვეყნებელი განცხადებისა და სატენდერო დოკუმენტაციის განხილვა-დამტკიცება.

სატენდერო კომისია გაეცნო ვეტერინარიის დეპარტამენტის მიერ წარმოდგენილ, მსხვილფეხა საქონლის ბირკები/საჭდეების (CPV 03341000) შესყიდვის მიზნით გამოსაცხადებელი ელექტრონული ტენდერის დოკუმენტაციაში შესატან ტექნიკურ დავალებისა და სატენდერო განცხადების პროექტებს, რომლებიც შედგენილია „სახელმწიფო შესყიდვების შესახებ“ საქართველოს კანონის მე-12¹ მუხლისა და „ელექტრონული ტენდერის ჩატარების წესის შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მოთხოვნათა შესაბამისად.

კომისიამ აღნიშნა, რომ შესყიდვის სავარაუდო ღირებულების დადგენის მიზნით 2021 წლის 07 ივლისს გამოცხადებული ტენდერის შედეგებიდან გამომდინარე, ახალი ტენდერის ღირებულების დადგენის მიზნით მათ მიიღეს გადაწყვეტილება, რომ დაეყრდნონ აღნიშნული ტენდერის შედეგებს და 1 კომპლექტი საყურე ნიშნის შესყიდვის სავარაუდო ღირებულება განისაზღვროს 1.04 ლარით.

ამის შემდგომ კომისიის წევრმა გერონტი ფრუიძემ დააყენა საკითხი, რომ დაშვებული იქნას წინასწარი საავანსო ანგარიშსწორება. ვინაიდან საქონლის მიწოდების ხანგრძლივობა შეადგენს 60 კალენდარულ დღეს და მიწოდების მაქსიმალური ვადა გადაიწევეს 2022 წლამდე,

მიზანშეწონილია მიმდინარე წლის საბიუჯეტო სახსრების ასათვისებლად დაშვებულ იქნას საავანსო ანგარიშსწორების შესაძლებლობა.

აღნიშნულ საკითხზე მსჯელობის შემდგომ, შესყიდვის სავარაუდო ღირებულების ოდენობიდან (174,720 ლარი) გამომდინარე, წარმოიშვა შეკითხვა საავანსო ანგარიშსწორების საგარანტიო უზრუნველყოფის ფორმაზე და პირობებზე.

ზემოაღნიშნულთან დაკავშირებით კომისიის წევრმა გერონტი ფრუიძემ კომისიას მოახსენა წინა წლებში არსებული გამოცდილების შესახებ და აღნიშნა, რომ შესყიდვის სავარაუდო ღირებულების ოდენობიდან (174,720 ლარი) გამომდინარე, უკეთესი იქნებოდა მოთხოვნილი ყოფილიყო საბანკო დაწესებულების საბანკო გარანტია, ვინაიდან ამ შემთხვევაში საბანკო დაწესებულებები, საბანკო გარანტიის გაცემისას დეტალურად სწავლობენ კლიენტის ფინანსურ მდგომარეობას, მის გადახდისუნარიანობას და ადეკვატურად აფასებენ შესაბამის რისკებს. აღნიშნული გარემოება მნიშვნელოვანია შემსყიდველისათვის, ვინაიდან მინიმუმადე იქნას დაყვანილი ავანსად გაცემული საბიუჯეტო სახსრების დაკარგვის ან არარაციონალურად ხარჯვის რისკები და შესყიდვა განხორციელდეს შეფერხებების გარეშე. კონკრეტულად ამ შესყიდვასთან დაკავშირებით აღსანიშნავია, რომ თურქულის საწინააღმდეგო ვაქცინის შესყიდვა წარმოადგენს მაღალ სახელმწიფოებრივ ინტერესს, რომელზეც ბევრად არის დამოკიდებული ქვეყნის ეპიზოოტიური მდგომარეობა. მიზნის მისაღწევად საჭიროა შესყიდვა განვახორციელოთ ისე, რომ მასში მონაწილეობა მიიღონ ფინანსურად სტაბილურმა და საიმედო პოტენციურმა მიმწოდებლებმა.

ამასთან ერთად გასათვალისწინებელია:

ა) სსიპ სოფლის მეურნეობის სამეცნიერო კვლევითი ცენტრის SPA170010776 ელექტრონული ტენდერის მიმდინარეობის პროცესში, სადაზღვეო კომპანია „არდი“-ს მიერ შეტანილ DISI70010776-01 საჩივარზე, შემსყიდველის საპასუხო ოქმში მოყვანილი არგუმენტი და მაგალითი მისი შესყიდვების პრაქტიკიდან:

სატენდერო კომისიის წევრებმა აღნიშნეს, რომ სსიპ „სოფლის მეურნეობის სამეცნიერო-კვლევითი ცენტრის“ პრაქტიკაში ჰქონია შემთხვევა, როდესაც გაფორმებული ხელშეკრულების ფარგლებში, მიმწოდებელმა ცენტრს წარმოუდგინა ერთ-ერთი სადაზღვეო კომპანიის მიერ გაცემული გარანტია და მოცემული გარანტიის საფუძველზე ავანსის სახით მოხდა მიმწოდებლისთვის თანხის გადარიცხვა. ზემოაღნიშნულმა კომპანიამ ხელშეკრულებით განსაზღვრულ ვადაში არ შეასრულა მისთვის ნაკისრი ვალდებულება, რის საფუძველზეც სადაზღვეო კომპანიას 5 სამუშაო დღის ვადაში (აღნიშნული ვადა სრულიად საკმარისია გადარიცხვის პროცესის განხორციელებისათვის) ეთხოვა გარანტიის ფარგლებში მითითებული თანხის დაბრუნება. სადაზღვეო კომპანიამ მოთხოვნილ ვადაში არ უზრუნველყო თანხის დაბრუნება. მსგავსი პრობლემა ცენტრს საბანკო დაწესებულების მიერ გაცემულ გარანტასთან მიმართებაში არ შექმნია.

ბ) „თბილისის საქალაქო სასამართლოს ადმინისტრაციულ საქმეთა კოლეგიის 2017 წლის 29 დეკემბერს №3/6255-17 საქმეზე და 2018 წლის 26 ივლისს №3/2560-18 საქმეზე მიღებულ გადაწყვეტილებებს, რომლებშიც მოსარჩელის წარმომადგენლის პოზიციის მიხედვით, სადავო პირობა, რომ წინასწარი ანგარიშსწორების (ავანსი) მოთხოვნის შემთხვევაში, შემსყიდველი ორგანიზაცია პრეტენდენტს ავალდებულებს მხოლოდ საბანკო დაწესებულების მიერ გაცემული გარანტიის წარდგენას, მაშინ, როდესაც საქართველოს სამოქალაქო კოდექსის 879-ე მუხლის შესაბამისად გარანტიის გაცემაზე უფლებამოსილ ორგანოს წარმოადგენს სადაზღვეო ორგანიზაცია.“

ზემოხსენებულ გადაწყვეტილებებში სასამართლომ განმარტა:

„საქართველოს სამოქალაქო კოდექსში მოცემულია საბანკო გარანტიის ცნება – მითითებული

კოდექსის 879-ე მუხლის მიხედვით. საბანკო გარანტიის ძალით ბანკი, სხვა საკრედიტო დაწესებულება ან სადაზღვევო ორგანიზაცია (გარანტი) სხვა პირის (პრინციპალის) თხოვნით

კისრულობს წერილობით ვალდებულებას რომ ნაკისრი ვალდებულების შესაბამისად გადაუხდის პრინციპალის კრედიტორს (ბენეფიციარს) ფულად თანხას გადახდის შესახებ ბენეფიციარის წერილობითი მოთხოვნის საფუძველზე ამდენად კანონმდებელი განსაზღვრავს საბანკო გარანტიის გამცემ სუბიექტებს თუმცა არ ადგენს საბანკო გარანტიის წარდგენის ვალდებულების დაწესებით ამავე ნორმით გათვალისწინებულ ყველა სუბიექტთათვის კონკრეტულ სამართლებრივ ურთიერთობაში ამ უფლებით სარგებლობის შესაძლებლობას. სამოქალაქო ბრუნვის სტაბილურობის დაცვის მიზნებისათვის მხარე თავად ირჩევს მიზნის მიღწევის ხერხს, ირჩევს კონტრაჰენტს.

ზემოაღნიშნული სამართლებრივი ნორმებისა და საქმეზე დადგენილი ფაქტობრივი გარემოებების გათვალისწინებით სასამართლოს მიაჩნია, რომ შემსყიდველი ორგანიზაციის მხრიდან სამოქალაქო კოდექსის 879-ე მუხლით გათვალისწინებულ სუბიექტთაგან მხოლოდ ერთ სუბიექტიდან (საქართველოში აკრედიტირებული ბანკი) საბანკო გარანტიის წარდგენის ვალდებულების დაწესებას მოპასუხის არგუმენტიდან ფინანსურ რისკებისა და სახელმწიფო (საბიუჯეტო) სახსრების რაციონალურ ხარჯვის უზრუნველყოფიდან გამომდინარე, გამართლებულად მიიჩნევს. **სასამართლოს მიაჩნია, რომ გასაჩივრებული აქტები შეუსაბამოაში არ მოდის სახელმწიფო შესყიდვების მარეგულირებელ კანონმდებლობასთან.**

გ) დავების საბჭოს გადაწყვეტილებათა პრაქტიკა სურსათის ეროვნული სააგენტოს მიერ ანალოგიური მოთხოვნით გამოცხადებულ ტენდერებთან დაკავშირებით (NAT180019563; NAT180020382; NAT180020383) და გადაწყვეტილებების შემდგომ შემსყიდველის მიერ შესაბამისი საპასუხო ქმედებები.

გამართა წარმოდგენილი სატენდერო დოკუმენტაციისა და განცხადების პროექტების განხილვა და გარკვეული კომპონენტების დაზუსტება.

ყოველივე ზემოაღნიშნულიდან გამომდინარე, სატენდერო კომისიამ ერთსულოვნად იღებს გადაწყვეტილებას.

კომისიამ დაადგინა:

1. შესყიდვა განხორციელდეს ელექტრონული ტენდერის საშუალებით, აუქციონის გარეშე;
2. შესყიდვის ობიექტია მსხვილფეხა პირუტყვის ბირკები/საჭდეები - **168,000 კომპლექტი.**
3. შესყიდვის სავარაუდო ღირებულება განისაზღვროს - **174,720 ლარით.**
4. ტენდერში დაშვებულ იქნას წინასწარი საავანსო ანგარიშსწორება სახელშეკრულებო ღირებულების 100%-ს ფარგლებში. საავანსო საგარანტიო უზრუნველყოფად განისაზღვროს **საბანკო დაწესებულების საბანკო გარანტია.**
5. საქონლის მიწოდების ვადა - ხელშეკრულების გაფორმებიდან არაუგვიანეს 60 კალენდარული დღე
6. სატენდერო წინადადების ფასის კლების ბიჯი განისაზღვროს - 2,000 ლარით;
7. დამტკიცდეს სატენდერო განცხადება და დოკუმენტაცია ოქმზე თანდართული ფორმით;
8. სატენდერო კომისიის აპარატს დაევალოს სახელმწიფო შესყიდვების კანონმდებლობით გათვალისწინებული პროცედურების განხორციელება.



ვასილ ბასილაძე



სააგენტოს უფროსის მოადგილე
სსიპ სურსათის ეროვნული სააგენტო

გიორგი იაკობაშვილი




სააგენტოს უფროსის მოადგილე
სსიპ სურსათის ეროვნული სააგენტო

დემნა ხელაია



დეპარტამენტის უფროსი
ვეტერინარიის დეპარტამენტი

თამარ ჯავახაძე




დეპარტამენტის უფროსი
საფინანსო-ეკონომიკური დეპარტამენტი

იოსებ მენტეშაშვილი



დეპარტამენტის უფროსის მოადგილე
ვეტერინარიის დეპარტამენტი

დავით გოდერძიშვილი




დეპარტამენტის უფროსის მოადგილე
ვეტერინარიის დეპარტამენტი

გერონტი ფრუიძე



დეპარტამენტის უფროსის მოადგილე
საფინანსო-ეკონომიკური დეპარტამენტი

თორნიკე ზანცაძე



სამმართველოს უფროსი
სახელმწიფო შესყიდვების სამმართველო